



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Moribvs Ioannis De Almeida Societatis Iesv
Presbyteri**

**Macedo, António de
Romae, 1671**

Capvt Sextvm. Referuntur illustres aliquot Ioannis prædictiones.

urn:nbn:de:hbz:466:1-44105

mos secum retulerunt : cuius po-
steà virtus , multis graui morbo
laborantibus saluti fuit .

CAPVT SEXTVM.

Referuntur illustres aliquot Ioan-
nis p̄dictiones .

Neque verò Brasiliæ , & A-
mericæ finibus Almeidæ
virtus , & fama se tenuit , sed Ocea-
num transgressa peruasit in Afri-
cam , & Europam : ac , ne rerum quæ
nobis describendæ supersunt , ma-
gnitudini dicendi breuitate de-
trahamus , operæ pretium erit , eas
fusiùs enarrare . Millesimus sexcē-
tesimus quadragesimus primus a-
gebatur annus , cùm Hollandi in-
structa in Angolam classe delati-
(Regnum id est in ora extima
Aethiopiæ Occidentalis Lusita-
norum im perio subiectum) Lo-

an-

andam Vrbem illius primariam,
nullo ferè negotio ceperunt, &
imposito militum præsidio firma-
runt. Magnam res Lusitana iactu-
ram ea amissa Vrbe; Christiana
non minorem fecit; nec tam citò
poterat reparari; tum quòd maior
omniū opinione erat; tum quòd
Lusitanis Hispanico per id tem-
pus bello distentis minimè vaca-
bat in Angolanum vires, curasq;
conuertere. Exeunte demùm an-
no 1647. comparata magno im-
pendio Vlissippone classis in An-
golam soluit, Præfecto Saluatore
Correa de Sà Benauudio , magni
nominis Dynasta , & rei bellicæ
peritissimo ; qui celeritate vten-
dum ratus, in eunte anno 1648. ad
Sinum Ianuarium appulit , vt ibi
quid optimum factu esset, explo-
raret. Exscensione in terrā facta ,
nihil illi fuit antiquius, quàm Io-
annem, de quo multa, & præclara

au-

audierat, conuenire, cumque de
belli Angolani exitu consulere. Is
transactis aliquot diebus; re prius
Deo commendata, Præfectum a-
dit, monetque, vt duodecima in-
sequentis Maij die in Angolam
vela faciat, & Loandam Vrbem
primum inuadat: in ipso ardore
certaminis, Assumptæ in cælum
Virginis, & D. Michaelis cœlestis
militiae principis, nomen inuocet,
opemque imploret: hac enim ra-
tione fore, vt insignem de hosti-
bus reportet victoriam, & anti-
quum Lusitanis decus, marisque
imperium cum libero commer-
cio reddat. Id Ioannes diuino spi-
ritu afflatus, vt rerum postea e-
uetus docuit, oraculum fudit: quo
Præfectum reliquit rei bene ge-
rendæ spe, ac fiducia plenum. Er-
gò is, vniuersis fausta precati bus,
designatà sibi Maij die, in Anglo-
lam soluit. Iamque multum nau-
gan-

gando processerat, cum ad portum nomine Quicombum, multis à Loanda Vrbe milliarijs distitū, saluus appulit: ibique exposito in terram milite, diutiūs, quām par erat, substitit arcī condendæ intentus, quæ portus faucibns immineret, & hostium classibus eōtendentibus aditum præcluderet. Cæterū res euènit memoratu digna, quæ Benauidij consiliū conatusque disiecit; & statione reliqua, aliò classem nauigare coegit. Locatis namque ad Quicombum castris, & recreato vtcumque milite, coorta repente tempestas in Lusitanam classem, intra commodissimi portus sinum in anchoris stantem, tanta vi incubuit, vt Architalassi rostratam ad scopulos allisam fregerit, ducentis quinquaginta epibatis, qui illa vehebantur, fluctibus haustis; socijs inspectantibus, neque auxilium fer-

re

re valentibus ; aliarum verò nauium vela contracta licet , disrupit, disiecit armamenta, & in ultimum discrimen adduxit. Furebat vnum intrà portum tempestas, & illius finibus se tenebat , reliquo extra portum, quām latè patebat, mari pacato, nulloque agitante vento, summa torpente malacia. Attoniti rei nouitate vectores habebant , incerti quid consilij caperent ? qua ratione à periculo imminentis nanfragij se explicarent intrà portus angustias conclusi? Receptis demùm ab ingenti pauore animis, immissam diuinitùs in classem credidere procellam, & rostratā fluctibus haustram, vt negleēti consilij, quod illic Ioannes suggesserat, pœnas luerent; quippè qui Loandam rectâ contendere, non Quicombum divertere præceperat. Ad vota igitur, precesque conuersi, diuinum pla-

placare Numen, sibi que propitiū
reddere curant. Exauditas suppli-
cum preces ipse rerum exitus de-
clarauit: tumidum namque pau-
lò post mare deferbuit, remisit
ventus, dissipatisque nubibus se-
renitas cum luce redijt: & classis
Præfectus instauratis intrà pau-
cos dies nauibus, solutis anchoris in Loandam vela dedit: in-
cuius portum secundo nauigatio-
nis cursu inuestus, quintadecima
Augusti die Assumptæ in Cælum
Virginis Sacra, primo statim im-
petu Vrbem cepit, vt ipsius Vir-
ginis auspicijs bellum geri, admi-
nistrarique constaret. Auctis ob-
expugnatam Loandam militum
animis, viribusque in vnum col-
lectis, ipsam Vrbis arcem, quæ to-
tius belli summa erat, oppugnare
decreuit. Illam mœnibus, & ag-
geribus, vndique Hollandi cin-
ixerant, & extructis pro locorum

op-

opportunitate propugnaculis ,
maioribusque tormentis ad ar-
eendum hostem impositis , egre-
giè munierat . Veruntamen expu-
gnato à Lusitanis propugnaculo
Sancti Pauli , quod omnium fir-
missimum credebatur ; de deden-
da confessim arce præsidiarij agi-
tarunt , quam paulò post iustis pro
tempore conditionibus Lusita-
nus recepit , ipsamet vigesima-
quarta Augusti die , qua septem-
antè annis ab Hollandis occupa-
ta fuerat .

Dum hęc in Angola geruntur ,
sparsus incerto authore rumor
per Coloniam Ianuariam latè
vulgauit , Lusitanos insigni accep-
ta clade à Loandæ obsidione re-
pulsos ; classis etiam Præfectum
rei malè gestæ dolore subitò ex-
tinctum esse : Hollandos præterea
illustri de Lusitanis parta victo-
ria , & opulenta præda potitos de-

OC-

occupanda Brasilia, iam consilia agitare. Hic temerè dissipatus rumor Vrbis Ianuariæ ciues mirè sollicitos, anxiousque tenebat. Nec deerant, qui suscepæ cōtra Hollandos expeditionis authores, (nec Almeidæ parcebant famæ) maledictis incesserent; & per vicinos Vrbi pagos indignas fide turbas mouerent. Ille vulgati rumoris conscius, ne latiùs is per Brasiliam serpendo peruaderet, & tumultu cuncta compleret, cōsternatos metu ciues, & mœrore torpentes ad fiduciam excitat, & bene sperare iubet, palam denuntians, comparatam iam à nostris de hostibus victoriam; & Loandam Vrbem, quæ totius erat expeditionis scopus, nullo ferè negotio recuperatam. Benauidium item classis Præfectum saluum, & incolumem esse: Classem deniq; Lusitanam bellica tumentem gloria,

ria, & spolijs Hollandorum onustam Sinum Ianuarium reddituram: ipso die, quo vndeциm milium Virginum celebritas in Societatis Ecclesia ageretur, affuturum partæ victoriæ nuntium. Hęc Ioannes non semel affirmauit coram multis simul adstantibus Lusitanis; singula uti gesta erant in Angola, recensens, non secūs, ac si præfens esset: eoque plus admirationis res habuit, quod Loanda duo ferè millia milliarium à Sinu Ianuario abest. Habita prædicationi fides est: eximia quippe viri sanctitas, & quedam diuini spiritus indicia, quae in ipsa facie emicabant, nullum relinquebant ambigendi locum. Breui interiesto tempore, ea ipsa, quam Ioannes designauerat, die, certus de Loandica victoria nuntius Sinum Ianuarium intravit, qui Vrbem ipsam, & Brasiliam vniuersam in-

cri-

cridibili gaudio affecit, & conceptam iampridem de Ioannis sanctitate opinionē confirmauit.

Lētum huiuscē classis euentum infelix classis alterius casus excipiat, ut liquidō constet nullam rebus humanis solidam inesse felicitatem; sed alternantem fortunam vices tristia solitam lātis, & secundis aduersa miscere. Anno 1650. mense Iulio, Lusitana classis (flotam vulgō appellant) pretiosis onusta mercibus, è Fluuio Ianuario Lusitaniam repetebat: viginti numerabat onerarias, rostratas maiores tres, quæ cæteris præsidio erant: Præfectis Antonio Temudio, & Antonio Abreu de Freitas. Antequā solueret è portu monuit Almeida. Temudium, ne rectā Vlysippōnem nauigatione contenderet, sed ad Bahiam primūm, dictumuè à Morro portum in ipsa Brasilia, prorsūs diuer-

uerteret, ut ibi quid optimum factu esset, exploraret: Si suis non obtemperet monitis, male se metuere, inquit, ne graue aliquod infortunium Lusitana flota patiatur. Temudius tamen obiecte formidini minimè cedens, Vlyssipponem versus altum per Oceanum ferebatur: vbi vera illum subiit, sed nimis tarda, pænitentia facti. Ea namq; tempestate Robertus, & Mauritius, germani fratres, Caroli I. Angliæ Regis nepotes, Anglii Parlamenti hostes acer- rimi, classis, cui præerant, reficiendæ causa, in Vlyssipponis portum se receperant, & à Rege Lusitaniae honorificè excepti fuerant. Grauem propterea dolorem cepit Parlamentariorum Senatus, penes, quem rerum, tum in Anglia summa potestas erat, facinus indignum ratus Anglii Parlamenti hostes, specioso magis, quā fa-

sano consilio à Lusitanis hospitio excipi , & portus sinu foueri. Dolore igitur iracundiam acuentem, BlaKum magni tum nominis ducem, cum triginta bellicarum nauium classe in Lusitaniam misit; vt antè ipsas Vlysipponensis portus fauces parato ad pugnam agmine consisteret, ibique hæret, & mare commeatibus infestum redderet; eaque ratione dignas à Lusitanis ob illatam, vt ipse existimabat Anglis, iniuriam, penas repeteret. BlaKus, data prima nauigandi facultate in Lusitaniam classe delatus, Vlysipponensis portus fauces obsedit, & commercium ea cum vrbe maritimum penitus interclusit.

Harum sanè rerum, quæ in Europa gerebantur, Temudius in America prorsùs ignarus, totus ad nauigandum intentus, Vlysipponem classe petebat. Ergò iam

vicinus portui in Anglorum naues incurrit omni bellico appatu instructissimas. Pugna extē-
plo committitur. Onerariæ potis-
simūm Lusitanæ ab Anglis præ-
dæ inhiantibus oppugnantur &
cerrimè: rostratæ laborantibus o-
pem ferre, torinenta displodere
& quocumque se verterent, (vi-
erant apprimè tormentis, ac bel-
latoribus communitatæ) magnam
stragem hominum , nauiumque
hostilium edere : nec suo deesse
officio Lusitani Duces, etsi nauia
numero, roboreque hostibus lon-
gè impares erant. In medio ardo-
re certaminis, per opportunè ac-
cedente maris æstu, lenis à pup-
spirans aura onerariæ vndeци-
quæ magis agiles erant, in portu
Vlyssipponis impulit : Septem-
mercium grauante , & morante
pondere, in hostium potestaten-
venerunt : tres, dum fugiunt Ap-

glos

glos, ab Zelandis prædonibus interceptæ: è rostratis duæ passis ad liberiorem captandam auram velorum sinubus, fugiendo, pugnandoque simul, periculum, Dei beneficio, euaserunt: tertia, qua vebatur Freitas, sua mole grauis, disruptis inter pugnandum velis, lacerisque armamentis, immobilis, & vni hærens loco, totum prælij pondus integrum ferè diem sustinuit: nec id alia ratione confici potuit, quām iniecto vndiq; in ipsam igne, quo vsque ad aquæ libellam conflagravit. Rosstrata incensà, pauci e vectoribus, qui pugnæ superfuerant, in Anglorum naues recepti, & ipsorum hostium benignitate seruati. In hunc ferè modum dissipata Brasiliæ flota Temudius audaciæ poenas luit, & Ioannes prædictio-
nis apud omnes laudem meruit: quippè quj diuino afflatus numi-

H ne

ne cognouerat antequam flota e
Sinu Ianuario solueret , eò appu-
lisse exploratoriam e Lusitania
nauem , quæ nuntiabat , classem
illam Parliamentariam Vlysippo-
nis portum insedisse , & aditum
omnem maritimum , & commea-
tum sustulisse . Proinde contine-
ret se cum flota Temudius , dum
alius nuntius idoneus aduenisset;
vel tandiu moraretur , donec ap-
petente iam hyeme , oceanus Lu-
sitanicus fœdis tempestatibus eo
maximè tempore obnoxius , Bla-
kum cogeret in hyberna secede-
re , & Vlysipponis portum com-
mercio apertum , liberumque re-
linquere .

Non hic vaticinandi finis fuit.
Antonio Vaz. Soc. I. alumno, qui
cum alijs quatuor Socijs ad nauigandum se comparabat , non se-
mel prædixit Ioannes , illum gra-
ue admodum vitæ periculum eò
in

in itinere aditum ; vti re ipsa eu-
nuit . Tres ferè menses à flotæ
discessu iam decurrerant , cùm Io-
annes in familiari cùm Socijs
colloquio serio affirmauit . Te-
mudij flotam aduersam admodum
fortunam expertam esse : cùm ta-
men nullus per eos dies internū-
tius ex Lusitania in Brasiliā per-
uenisset . Ex quo liquidò appa-
ruit Deum illi quid in mari Lusi-
tanico tum ageretur in America
ostendisse : idque Prophetarum
more , absens pronuntiauit .

CAPVT SEPTIMVM.

Futura iterum , & absentia pre-
uidet : hominum cogitationes
introspicit .

QVæ superiori capite narrá-
uimus vaticinia , cæteris
illustriora videntur ; plu-

H 2 ra